

Whakamātau 7: Whakamātau Pereki

TE WHAINGA

Ko te tino whainga o tēnei whakamātau, kia kite ko tēhea te pereki kaha rawa – te pereki kore muka, te pereki me te muka rānei.

RAUEMI:

- Kia 3 ngā pereki uku kāore he muka o roto
- Kia 3 ngā pereki uku me te muka
- Kia 2 ngā paraka/pereki
- Kia 2 ngā pākete e kī ana i te wai

KUPU AWHINA:

kotēngia	crush/squeeze
ngawhara	crumble
pākarungia	break

TE MAHI:

E toru ngā wāhanga o tēnei whakamātau. Mō ia wāhanga, me whakamahi kia kōtahi te pereki kāore he muka o roto, kia kōtahi hoki te pereki me te muka.

Wāhanga Tuatahi: Mauroa

1. Whakatakotoria te pereki ki runga i te papa. Kātahi, ka takahurihia te pereki kia 5 ngā wā. Ko tāu mahi he āta titiro ki te ngawhara o ngā pereki. Kua ngāhoru ngā taha, kua pakaru rānei? Ko tēhea te pereki e mau tonu ana i tōna āhua? Tuhia āu kitenga ki te mahere kei raro iho nei.

Wāhanga Tuarua: Kaha Maroke

1. Whakatakoto i ngā pereki uku ki runga i ngā paraka, pereki rānei. Kātahi ka takahia te pereki uku kia kite i tōnā mārō. Ka whati te pereki? Ko tēhea te pereki e pai tonu ana te hanga? Āta tirohia, tūhia anō āu kitenga ki te mahere kei raro iho nei.

Wāhanga Tuatoru: Kaha Mākū

1. Tikina ngā pākete e rua e kī ana i te wai. Raua ngā pereki ki roto i te wai mo te 5 mēneti.
2. Kia pau te 5 mēneti, tangohia ngā pereki i te wai. Ko te mahi ināianei he whakawā i te kaha o ngā pereki. Kotēngia, pākarungia rānei (kei a koe te tikanga) mā ō ringaringa. Ko tēhea te pereki māmā rawa te pakaru? He kaha tonu rānei ngā pereki? Tuhia āu kitenga ki te mahere kei raro iho nei.

WHAKAMĀTAU 1: Mahere whakamātau pereki uku

Tuhia he kōrero mō te kaha o ngā pereki uku i roto i ia whakamātau. I ngāhoru te pereki? I pakaru te pereki? He kaha tonu rānei?

	Pereki (oneone me te parāoa)	Pereki (oneone, parāoa me te muka)
Mauroa		
Kaha Maroke		
Kaha Mākū		